

春

融

堂

集

春融堂集卷五

青浦 王 昶 德甫

履二齋集 甲戌

將往京師歸愚先生以詩贈行敬答

數仞門牆峻經年杖履親一枝方幸折三策豈能陳世望科
名重心希德業純公車催早發欲別更逡巡

原作

長洲 沈德潛 歸愚

之子魁南國邦人願枕經此行冰雪路歷盡短長亭水湧
黃流濁山橫岱嶽青廣川三策在望爾對 明廷

企晉置酒送行卽次原韻

置酒燒鐙月上初朋簪小集送征輿懷人路遠梅先折贈別
詩成錦不如薄有聲名傾沈范敢思遭際比嚴徐最憐此後

關河夢時向橫川問起居

原作

吳泰來

雪霽吳關放溜初東風揚柳拂征輿渡江門第人爭羨入
洛才名我不如樹裏河流分汴泗馬頭嶽色接青徐燕臺
酒伴今憔悴好向天涯問索居

再別企晉

分手旗亭夕照殘煙帆從此向長安十年琴酒論交切千里
關河話別難菴里花開梅信早雪中人去鴈聲寒盤螭山色
靈巖月何日同君倚杖看

贈別肅徵

頻年樽酒共流連鴈鴒聲華世早傳張協詩才留錦段温岐
詞格妙金荃花時寫韻紅絲硯月下分題碧玉箋悵悵舞裯

歌扇裏不堪風雨對離筵

風笛長亭惜解攜舊游回首更含悽尋芳每過真娘墓載酒
同登白傅堤花落青燈追往事雨昏紅壁記前題銷魂此去
燕臺路殘月荒山聽曙雞

廣陵留別汪讎懷謙吳梅里經兩貢生及江賓谷

唱罷驪歌不忍聽別君西上弄珠亭烟中楚水波將綠雪後
康山樹半青遠道風塵勞悵望異鄉朋舊感飄零歸鴻好寄
相思字莫負蘅蘭漸滿汀

高郵舟次

白髮親闈隔青鏡客夢孤音塵千里別書札一行無衰草秦
郵驛疎楊斃社湖吳雲回望遠寂寞向征途

界首驛

城西疎柳拂輕槎，一幅雲帆逐暮鴉。欲訪雷塘荒草合，何從更弔玉鈞斜。

煙雲無際合，孟湖水驛人家。儼畫圖最愛酒醒欹，枕處漁榔隱隱出菰蒲。

途中口號示黃芳亭陸聽三 芳槐 兩孝廉

少小嬉游每並肩，公車同坐話纏綿。僕夫稍進茅柴酒，又倚征蓬跂脚眠。

柳邊微颺鬢絲風，雨歇長途淨軟紅。手把殘書拋未得，半醒

半睡誦南豐 見震川集序

茅店郵亭道路賒，車輪臨渡互喧譁。聞中忽憶查山閣，看過

梅花又杏花

渡河後作

清淮東下衆流趨高堰長堤一棹孤聞說敵黃功久著雲梯
關下省薪芻

一葉輕舟趁曉風桃花汎近水融融傳聞七省 神倉米已
挂雲帆入會通

雨夜寄蔣升枚

青陰漠漠雨絲絲八寶田西日暮時南浦綠楊誰贈別東風
紅豆最相思花前石鼎曾聯句燈下香囊憶鬪碁回首蘇齋
天未遠芳馨好爲寄江灘

宿遷

寒月當空靜巖風入夜哀天低彭祖國雲暗漢王臺山勢爭
東向河流繞北迴人煙寥落處誰與鬪蒿萊

嶧縣

日晚邳城道蒼涼意不勝高風溪樹折積兩岸沙崩破屋編
衰草荒田刈敗芳窮簷生計薄對此旅愁增

嶧山

西風動新霽遠近開寒氛驅車過北郭列嶂參差分獨蜀屬
爲嶧釋詁夙所聞詩書連類舉箋註滋紛紜青徐本聯巨地
軸通緬緼黃鑪與石屋皆嶧縣山一氣浮烟雲村墟盡衍沃樹藝
勤耕耘愛此邳魯境孤桐發清芬我行數百里仰止心所殷
何時營別業抱犢來卜鄰志稱昔有王老抱犢隱此

道中望泰山

自我入魯境翠色瞻龜蒙羣山東來不可數岡阜疊出森青
葱今晨新雨忽開霽雲霞斑駁浮晴空東嶽巨鎮亘百里氣
象特兀連穹窿春來盛德本在木條風况復蘇蒙葺靈威仰

居五帝首出震庶物歸昭融皇初七十有二代金泥玉檢層
雲封三茅五眷今不乏允宜銘德垂豐功往年

鸞輅親

莅止云亭未禪殊謙沖我今望嶽祇三舍計偕策蹇愁倥偬
崢嶸但覺日觀近詆蕩何自天門通我師夙昔珥采筆明堂

太室尋遺蹤星輝霞煥數百字紙上光怪搖長虹

文子先生有泰山明

堂歌極偉麗

眼前有景愧疲忝局縮竟似號寒蟲杏花

上苑將

舒紅行當進試

明光宮天逵雲路或可到他時扈

蹕隨

飛龍東望蓬瀛笑海若西指汶泗懷河中狂游高唱應未晚
回首瀨氣蟠心胷

東平

風色滿平蕪蒼茫獨問途沙崩山路窄日落戍樓孤地迴人
難見春寒草未蘇蘆泉行在望紫翠遠橫鋤

恩縣

黯淡明星落蒼茫曉霧橫風旗懸古戍霜角振巖城灌木無
禽語荒榛少客行誰知殘夢裏煙水憶柴荆

次德州

厭次遺墟在荒城長薜蘿日斜官市散風急客帆多地勢連
三輔潮聲接九河歷城鏖戰地流恨更如何

蘇祿國王墓

寥落殘碑在當年王會同獻珠因物產釀蔗憶夷風滄海歸
魂遠長河古墓空溫明祕器盡枯柏夕陽紅

獻縣

蕭颯東光驛風塵跋馬過地形蟠鉅鹿水勢接滹沱五壘遺
墟盡三關夕照多荒原誰校獵萬騎散明駝

秦少宗伯樹灑先生 蘇田 招修五禮通考移寓味經

窩

容臺重望冠諸卿喜慰門牆負笈情

座主芥子先生宗伯門下士也

下榻已

同陳仲舉譚經真見鄧康成事包列史規模備書彙羣儒議
論精東海遺編堪久大何辭斯夕奉橋衡

題家舍人受銘

又曾

龍湫晏坐圖

我昔圖五嶽好入名山游身騎兩黃鶴汗漫凌滄洲靈芝碧
霄夙所慕便欲杖策尋丹邱風塵十載空憔悴悠悠此意何
由遂夢寐長經天柱峯煙雲每憶靈雲寺舍人瀟灑非常才
年年采藥窮崔巍赤城華頂遍游歷更上雁宕恣徘徊初過
白雨澤再渡水簾谷金光瑤草望中明碧嶂丹梯看不足峯
迴忽到大龍湫萬仞晴空灑寒瀑銀河一道垂長虹蒼崖白

書生雷風石上斜飛雨，颯沓林間直下烟。空濛盤旋噴薄不可卽，疑有雲氣隨游龍。忘歸亭上遙相覩，濺玉跳珠互吞吐。天台石梁那足奇，羅浮青峽知難數。拂衣長嘯開心顏，擬修淨業辭塵寰。只愁勝地難久駐，飛流回首徒潺湲。今春相遇長安陌，促膝明燈話疇昔。示我當時晏坐圖，依稀遠接神靈宅。惆悵仙源深復深，何當濯足一登臨。好攜蓮社支公侶，重和麻源謝客吟。

得曹來殷書

碧雲日暮感佳期，悵望瑤華慰別離。愧我無才依玉樹，憐君有恨寄瓊枝。豐臺夜雨花開後，吳苑春深燕到時。讀罷江湖千里信，燈前雙鬢欲成絲。

白衣菴贈姚孝廉姬傳

龍時下
第先歸

生平蹤跡各風煙此夕相逢倍黯然名士從來多落拓酒人
誰與共流連楚江舊業虛歸計燕市悲歌感世緣聽遍禪牕
深夜雨剪燈欹枕話龍眠

頻年鈴馱向天涯詩卷叢殘閱歲華楚調吟成空自賞吳歌
醉後向誰誇秦嘉上計功名薄王粲辭家道路賒何日司空
山色裏論文相對共烟霞

送狄同年思和詠麓之官成都

京雒分符去關河叱馭行壯游真不忝惜別若爲情細雨征
塵滅疎楊驛路清武擔山色裏士女望前旌

雲樹三巴路烟波萬里橋錦官餘故蹟玉壘識前朝蜀紙書
難寄耶筒酒易銷郵程凝望遠有夢逐征輶

贈諸贊善襄七錦移居

數椽老屋月城陰猶是成連去後心

屋為江西李牧堂先生舊宅贊善其弟子也

冷澹齏鹽供午膳淒涼燈火伴宵吟清貧未買還山權高雅

誰投諛墓金獨喜阿蒙垂盼睐一甌苦茗日招尋

送吳舍人猷芴寬歸新安

倦踏東華十丈塵孤舟遙下潞河濱姓名不用登官簿已擬

頭銜作散人

分明詞格似屯田香逕春風寫玉牋不待小紅來按拍井華

汲處早流傳

家在天都峯下住丹梯碧嶂望嶢峴知君西渡新安水閒聽

松風六月寒

送江于九之官長沙感事言情遂成六首不自知其

詞之複沓也

作客京華路同爲汗漫游經過無趙李理詠有應劉斷碣偕
摹榻叢書並校讎如何還遠別捧檄下湘州

會合知難卜分張奈遠何揚舲雲夢澤弭節洞庭波舊俗懷
三楚微詞續九歌行吟堪吏隱未許怨蹉跎

玉筍雲山迴桃源驛路長新愁臨望楚遺恨感沈湘暮雨楓

林暗微風杜若香廣陵花月地回首夢池塘

謂寶谷

靑草湖邊雨蒼梧嶺上雲幽蘭酬郢客芳芷贈湘君征雁逢
春盡哀猿入暮聞章華深夜月應爲照離羣

天闊雲帆遠江清桂櫂斜煙波通七澤驛路近三巴惜誦遺
文在招魂往事賒湘山祠下過好擷白蘋花

我亦飄零久風塵感世緣遠游思楚澤歸夢向吳田高隱師
宗炳傳經繼服虔沅江芳草綠早爲寄蓀荃

將往濟南樹灑先生餞于味經窩并示吳司業尊發

鼎戴上舍東原震吳舍人荀叔頌及掾升鳳階曉徵

諸君

怒怒襜被上輕車折簡來招再攬袪失路長嘶嗟瘦馬過河

欲泣念枯魚登筵頻勸三升酒授館還叨一紙書吳運使凌雲士功來

賜先生之薦也話到賓朋皆雪涕燈殘賦別更踟躕

金閣學檜門德瑛招同鏡編修坤一載蔣舍人心餘

士銓汪孝廉康古孟錡送往濟南用心餘韻留別二

首

短車深巷雨冥冥開閣相招展齒停已分生涯同散榜敢將

蹤迹怨飄萍回思壯志今安在欲寫悲歌恐不經明發潞河

亭下泊煙波愁見柳條青

歷下煙巒事事佳謝公會此愜幽懷開學曾任學政于此吟成白雪知
難和游徧青山願未乖蓮子波生攜釣艇藤花秋好繫芒屨
卻憐 禁苑微鐘夜載酒何時得共偕

同作

鉛山 蔣士銓 心餘

感遇傷離離醉醒摩空猶是未梳翎已成鸞鳳仍飄泊自
古風雲有晦冥旅食深知貧是病才名虛指客為星誰華
山畔尋君路夢裏還應一再經

明湖秋柳至今佳打疊蜻蛉泛水涯歷下山川名士地江
南煙月旅人懷文章事大期千古主客詩成憶小齋聽到
登樓堪隕涕壯心容易付沈埋

送胡同年吟石溶歸太倉

京華憔悴倍情親愁向河梁問去津伏雨蘭風催錄別殘鐘

夜火共傷神，潮生潞水移。
征權秋到婁，江下釣緝他。
日鵲山湖畔，路相思。兩地望音塵。

鳳階曉徵諸君相送宣武門外

白楮坊南雨乍晴，路隅執手不勝情。
文章有命疑神鬼，臺閣無緣負友生。
漫道風塵總躡躡，那知意氣尙崢嶸。
此行講席攤書卷，南面何殊擁百城。

大羅同日咏霓裳，何意飄零又異鄉。
通潞煙波浮遠權，明湖風月貯空囊。
蓴絲可采歸南國，護草方榮侍北堂。
三泖漁莊秋色裏，再從野老問行藏。

雍奴夜泊聞笛有懷

昔歲金陵驛，曾聞短笛吟。
星河當永夜，煙水渺遺音。
悵望楚蘭咏，魂銷楓樹林。
直沽橋下聽南望，更沽襟。

舟次德州寄南北諸同學

落葉下寒潭離情兩不堪孤蹤辭薊北遠夢到江南風急聞
津鼓燈明見佛龕舊游千里隔誰與共清譚

齊河道中

涼露滴衣袂荒原人曉行清暉散煙靄遠見秋山橫芳樹稍
欲落野禽時一鳴寒雲連古堞知已近譚城

紀事

時準噶爾四部衛拉
特來降遣兵往撫之

丹詔遙聞出上闕元戎拜

命早登壇九邊傳檄軍威壯

萬里行師運道難絕塞定占擒頡利中朝已議靖烏桓請纓
枉負終軍志夜夜旄頭倚劍看

曉發

檉馬喧殘夜林鳥散曉天斷雲時作雨遠水忽生煙舊俗徵

安惠遺書問廣川行行聞權語卻羨捕魚船

半年

半年人海類蓮條反喜東來慰索居偶論文章當七發編

經史愛三餘

齋中有 武英殿 版十三經廿一史

鴉窺石鉢晴爭浴鹿傍筠牀

暗齧書正似松江茅屋底綠蕪黃葉滿階除

同門人楊星標

懷棟

吳廷韓

玉綸

游佛峪

斗柄在戌寒始威荒郊草木萋以腓騰騰曉日明晴暉相於

二子馳驟駢鏡天山色橫翠微鳥道詰屈人迹希路旁栝柏

莽十圍山鳥驚覺鳴且飛開然野寺開雙扉青紅古佛長而

頽畫壁荒怪無是非山僧迎客病已瘳香積索寞纏蚺蟻瓦

盆巖糲聊充飢寺後奔瀑懸珠璣迎霜野卉猶芳菲古碣突

兀依林霏字畫齧缺餘如豨新碑笏立森崔巍厥辭怪偉無

刺譏碑文廷韓所作落葉颯沓飄秋衣游興頗極振策歸嗟哉勝地
空依稀安得卜築來耕糞

觀趙松雪龍華秋色圖

水晶宮裏神仙子所過湖山來筆底已將佳勝盡吳興更向
明湖寫煙水明湖澄碧匯諸泉常與詞人泛酒船少陵北海
遨遊處蘋花蘋葉兼蒲蓮吾昨一篙依短嶼扣舷擊楫鷗羣
舉橋東遙望離華山天際分明見眉嫵今觀此卷若重游遠
村近堞望中收采香雖無佚女在清響偶有漁童誣書堂涼
到正蕭瑟又展吳綉玩秋色騷辨彌增宋玉愁風流更愛王
孫筆北苑南宗理不殊頓生歸思寄尊鱸好攜歷下亭中景
比似茗溪與瑁湖

懷人絕句

江陰翁徵君霽堂

廿載中吳老布衣頻煩薦牘上
彤闈君山如黛江如練重
擬抽帆叩竹扉

長洲許明府子遜

聞海珠江入望中紀游詩句氣如虹
白頭亂髮垂垂老酒後
猶彎兩石弓

秀水諸宮贊襄七

草廬太史文章伯許我新詩似迪功
應是秋來歸思切峭帆
直過鶴洲東

長洲周秀才欽萊

南臨湘楚北游燕骨月凋零感暮年
意乞黃冠投老去不須
名氏占詩仙

太倉沈光祿子大

起元

皓首窮經歷歲年心知崔焜范長生有真詮孤舟遙下婁江

去枕膝何人得共傳

保昌胡侍御靜園定

幾年歸臥掩蓬廬重捧彈章侍玉除秃尾驢閒毳飯冷退

朝仍理舊鈔書

元和惠徵君定字

少日箋詩矜奧博定字有漁洋山人精華錄訓篋中年經術更紛綸仲翔易

學康成禮只有先生是替人

長洲彭侍郎芝庭啟豐

麟鳳文章冠古才譚詩曾許共追陪懶無水部新篇什也荷

名卿獎借來

無錫吳學士尊彝

抱犢窮年 聖主知 鑿坡簪筆奉恩私晴窗注得羲爻

在小篋黃綾進 玉墀

長洲陳徵君和叔 黃中

門對葑溪流水碧秋槐落葉覆閒庭柯 維縝王惟儉 舊本叢

殘後新史何時付汗青 時和叔方重修宋史

山陽吳秀才山夫 玉搢

遍從故籍搜奇字更向殘碑搨古文杜 林許慎張揖 曹憲留

絕業肯教帝虎共紛紜 山夫精于小學著別雅金石存諸書

秀水家刑部受銘

詩句東華舊擅名逃禪中酒足平生龍湫瀑布青溪月千載

何人識此情

奉賢吳秀才梅里

明湖秋柳半蕭條，落葉棲鴉伴寂寥。誰道有人攜畫榼，白蘋

花裏度紅橋。

時梅里倚
萬廣陵

吳縣沙布衣斗初

髯翁浪迹江湖上，櫺具高冠迥自奇。拓戟長歌成底用，何人肯寄草堂貲。

江都江秀才賓谷明府于九

二分明月是維揚，樂府思君最擅場。還憶天涯羈宦苦，冷猿哀鴈過瀟湘。

長洲宋方伯軼才

邦綬

忽奉 恩綸下九霄，棧雲千疊送征輶。錦城玉壘何由到，心折清江萬里橋。

秀水錢編修坤一

曾將新句寫雲藍送我征車向濟南
殘暑小齋涼雨下黃藤樽酒憶清談

德清徐上舍穀函

尚書故里茗溪畔綠樹青山面面勻
恨不早營三畝宅移家真作孟家鄰

長洲鄭上舍迂谷

柘湖格律有家傳尊人季野先生
書臨大令明璫翠羽並嬋娟有柘湖小藁
三體新詩字字妍更愛法

吳江張秀才鴻勛

桃根渡口匆匆別聞向樅陽作客游
欲寄生綃熈畫取白蘋紅樹五湖秋
鴻勛工畫有白蘋江驛遠紅樹客帆孤之句

長洲朱上舍子存

華萃翰墨久通神道北新詩亦絕塵令煙凌近喜賢郎能繼

起揚州煙月屬斯人謂令子肅徵

上海張秀才策時

張君才氣如青兕跌宕詞場舊有名安得狂歌中酒夜共盤
硬語對寒檠

吳縣張布衣崑南

山人嬾似嵇中散賣藥修琴意逸然漁火楓橋官市晚蘆簾
紙閣枕書眠

如臯姜孝廉靜宰

京華梅雨感分襟南望臯原暮靄深落葉空階聞蟋蟀挑燈
愁展族秋吟族秋吟三卷解宰所撰

春融堂集卷五

三

上海凌上舍祖錫

苦吟詩似孟東野散體文如戴剡源美爾秋風歸去早荻花
楓葉到江村

元和褚舍人摺升

苑樹宮雲退直餘閉關學易事幽居幾時歸向滄浪水蘆雪
菰烟共校書

全椒金孝廉鐘越

北燕

曾上天都最高頂松風瀑布萬峯寒知君近更懷三隱西澗
煙波倚櫂看

吳縣朱上舍適庭

迢迢尺素到長安知向煙波理釣竿吟得碧雲詩句好西風
荻浦夜漁寒

上海曹舍人鴻書 錫寶

薇垣重望擅清詞 禁苑微鐘直宿時
紅蠅香殘封詒罷 上繩低轉萬年枝

桐鄉朱上舍吉人

曾聽吳孃唱竹枝 山塘煙月不堪思
蕭蕭暮雨無人夜 忍誦君家雜咏詩
吉人有吳中雜咏百首

全椒吳舍人荀叔

舍人家住青溪棗花月 新聞最愴懷
為憶茗茗舊時曲 一燈涼雨夢秦淮

大興朱庶常竹君 筠

禁城春晚接簪裾 兄弟同時典石渠
謂令弟石君侍講珪 一自西勾橋

上別煙波何處寄雙魚

嘉善謝編修崑城壩

聽鐘山舍近禪寺醉竹移花無世情
禁苑秋閒下直早半

簾斜日捶琴聲

令兄東君同年垣工琴

儀徵汪秀才韡懷

一卷新詩號對琴瀟湘雲水有清音
世間箏笛紛紛在誰識
昭文苦用心

長洲朱布衣孔林

楷

破屋數間人迹絕瘦妻稚子苦飢寒
遺經獨抱堪千古那羨
時人作達官

鉛山蔣舍人心餘

雨後鳴蟬照碧窗移鐙話舊意難降
聞君近乞金門假六幅
煙帆泝大江

大倉家秀才存素

四王縑素琳琅重接迹家風只數君曾憶名園來讀畫雨窗
一幃寫煙雲

桐城姚孝廉姬傳

蕭寺鐘殘夜漏遲香銷酒冷共論詩薊門皖水俱千里腸斷
紅亭送別時

長洲吳教諭企晉

詩人小築靈巖下短李迂辛共往還最愛聽松樓上坐一池
秋水數棱山

嘉定錢庶常曉徵

三年同醉錦帆春京雒相逢意倍親寂寞今宵對吟卷在旁
知狀并無人

上海趙秀才升之

茶經藥錄書千弓竹塢梅坪地幾臙擬放吳淞江上棹夜寒
來對草堂燈

江寧嚴秀才東有

舊院銷沈怨綺羅西崑才調近如何石頭城下絲絲柳不及
秋來別緒多

無錫薛庶常鳳叶

田玉

石枰精舍歇秋雨白哈臨風愛晚涼更有河陽好詞筆

謂潘瑛

望齡時爲南陽書院院長水亭濯髮詠滄浪

嘉定曹秀才來殷

少小同游近十年曹王詩卷共流傳不知今夕旗亭月誰炙
笙簧上笛鈿

家鳳階

吾家坡老才雄絕落紙新詩萬口傳惆悵生平三度別中宵
風雨憶同眠

靜菴上人

天平山下名藍好曾與紫雷作勝游絕憶已公茆屋下一宵
寒雨長溪流

答企晉見懷之作

蹇劣難空冀北羣飛龍羽翼又中分琴書獨對明湖月耕釣
終懷笠澤雲遠道相思勞舊雨薄寒早中愛朝暉升沈分定
吾何歎端擬歸來作五君

吳中七子時鳳階
曉徵已官京師

秋暮游漆山

振策緣危逕循谿到古巖飛泉當石碎老樹入崖銜細路盤

梨峪層雲覆玉函，枯林寒日薄蕭瑟。竄磨麋
浮翠諸峯合，酣紅萬樹交。空厓啼怪鳥，深洞伏神蛟。濺溜虛
沙滑，寒苔古石凹。伽藍餘故蹟，誰更理衡茅。

柏山寺夜宿

爲愛秋峯好，扶筇過水南。濤聲千樹合，雲色萬山含。星影沈
苔澗，霜華散石龕。夜深羣籟寂，清磬出煙嵐。

長清道中

鞭絲帽影夕陽紅，又過譚城古驛東。回首香孤山色遠，青螺
數點暮雲中。
寒燈破屋夜迢迢，落葉無聲倍寂寥。最是夢魂忘不得，菰蒲
秋水誰華橋。

東鄉夜宿

寒鴉數點戍樓東十里黃塵捲朔風卻愛前山如畫裏夕陽
一抹棗林紅

長亭古道柳穆穆鈴馱聲中晚息驂
寒月挂西南

重過仙女廟

更聽神絃曲靈祠水驛前書傳青鳥使碑記紫霞仙玉珮澄
寒月銖衣散暮煙疎林殘雪外仿佛見雲駢

過泰州

西溪雲起晚冥冥有客扁舟此再經日落雞豚歸古巷江寒
鳧鴈下荒汀松蘿難問清風闌竹柏空懷積翠亭聞說梅花
詩石在麝煤無計揚遺銘

海陵

曉發羅塘路輕帆近海陵村橋分薯蕷水市買菠薐鳥啄寒
林雪魚翻斷岸冰蟹黃新釀在取醉任曹騰

如臯官舍陳如虹先生焜連宵置酒絲竹駢闐感事

觸懷因成八絕

鈴閣琴牀迴絕倫重來蹤蹟尙風塵此生不合金鑿直穩
向歡場作酒人

衙齋近接小三吾猶記雲郎染畫圖水繪荒涼寒碧盡重排
絃管喚花奴水繪園中有小三吾寒碧堂今皆頽廢雲
郎小影余在京師從商邱陳氏處見之

鳳尾龍香按拍齊銀燈如月照銅蠡青衫欲濕還重掩怕染
愁蛾一樣低

寥落青山故相家箏師琴客總天涯平泉舊事知誰記賸與
徐郎說夢華諸伶舊屬青山莊張氏其中徐
郎蓮生者色藝兼工能談舊事

曾寫雙鬢畫壁詞旗亭傳唱月明時夢中彩筆知無用合譜
新聲付段師

雪泥鴻爪不勝情忽聽當筵白紵聲從此玉堂無夢到瀟瀟
暮雨憶吳城

羯鼓聲高咽管絃暗將清淚灑細蟬新詞莫怪多淒怨漂泊
江湖又一年

心情寥落似眠蠶聽罷吳歛酒半酣望裏紅欄三百六故園
歸去狎何哉

題文子先生西園圖

疎雨歇青山春陰澹幽幌中有清吟人奚亭自偃仰鳥下綠
蕪深風遞寒松響一挂煙江帆何因寄心賞

春融堂集卷六

青浦 王 昶 德甫

述庵集

丁丑
戊寅

大風自揚州渡江望圖山殘雪

江船十丈如游龍，峭帆獵獵乘長風。金焦北固忽過眼，回首已在圖山東。圖山山勢迭變幻，初看絕壁森青葱。舟迴壁轉萬象出，衆嶺突兀開竅窿。山南稍下勢平行，礪道盤屈含崆。巖岸東一峯最橫出，下與怒浪相撞舂。峩岷至此又一束，蛟螭偃蹇低寒空。如爲江海別疆紀，不使直下趨洪濛。我行正在殘雪後，遙天變現瓊瑤宮。珠塵銀礫迭虧蔽，丹梯碧磴紛瓏璫。東霞古寺若可卽，金繩珠網明杉松。惜不更逢玉戲日，縱覽六出翻層穹。寶花世界遞明滅，一洗塵垢開心胸。山家

早寒尙閉戶時聽社鼓聲
逢逢茅柴乍壓春酒熟
笑語共喜田園豐
人生祇宜課耕稼
祝雞牧豕稱溪翁
何爲故鄉負芳序
凌厲絕險誇豪雄
扣舷清唱振煙莽
金烏已上雲林紅

澄江人日有懷吳中故人

屈指東歸未有期
偶來江步曳筇枝
寒濤遠接焦先洞
荒草春回楚相祠
林港風生帆影盡
香山雪霽鴈行遲
崦西想見梅花發
對酒誰裁寄遠詩

過圓覺菴

珠閣澄暉晚幽禽下石壇
煙巒穿竹見晴雪
隔池寒芳墅層層上
疎鐘杳杳殘
惠崇吾最許
悵望碧雲端
墨隱上人畫
工畫情未得見
泊焦山偕巖東有游定慧寺

曉夢聞疎鐘
隨風度煙艇
春江上早潮
泊此松寥境
三載別

名藍重遊款澄景石嶼零微霜竹禽散清影幸逢華構新益
眷諸天靜閒與餐霞人微步寫淒耿蒼蒼海雲巖層波渺修
迴名蹟遠未湮高蹤思彌永庶果結夏期澄懷共遙領

蕭梁公主祠

明璫翠羽映瑤墀傳是南朝帝女祠花外名香縈楚珮燈前
暮雨濕江離不同蕭史登真去應似瓊華入道時遙望東陵
聖母在迴風彷彿颺靈旗

謝太傅祠

擁鼻清吟已渺然尙餘雙檜鎖寒煙衣冠想見清譚日史冊
長留出鎮年古埭煙波思召伯空山草木走符堅獨憐幼度
虛從祀不共芳蘋薦綺筵

雨後有懷

蕭蕭風竹夜窻幽
細雨輕寒似早秋
故里久蕪芳草逕
歸心遙憶木蘭舟
斷鴻聲急回鄉夢
殘麝香消起別愁
欲折瓊枝頻悵望
文鱗何日下瓜洲

雨夜

積晨翳春陰
零雨遂蕭散
微聞叢竹喧
稍覺餘花泣
迴颺颺殘笛
彷彿江南怨
盈盈春分攜
惻惻念鄉縣
來茲歲方徂
逮爾春將晏
明辭廣陵鐘
遐睇吳門練
行藏尙未卜
彌廬盈襟歎
佇立至清宵
疎燈耿幽幔

曉泊山塘

小船如幽居
夢回聽柔櫓
湖天尙春陰
層雲被洲渚
迴風掃垂楊
殘滴下如雨
溪橋寂無人
眷此孤禽語
曠望極西山
煙巒渺何許

上乘菴雨後

蘭若本蕭閒中宵更岑寂夢回聞簷聲清響墜苔石始知西
堂前微雨散蘿薜黯黯餘寒生沈沈憂思積入道願已殷勞
生事猶迫伏枕眷長更攬衣感羈疾投躋如可希扁舟就魚
麥

題朱適庭桐江濯足圖

夙咏滄浪吟結契在煙水一與塵網嬰行役未云已之子敦
雅懷蕭條侶園綺渺渺桐君江幽棲信爲美寂歷見游魚空
明漾芳芷如聞青瑤流曲折寒溪裏雨時釣絲垂月下漁舟
艤嚴陵去已遙依然見芳軌嗟余賦遠行星霜歎勞止已欣
印渚游聊悟濠梁旨相期躡屐來扁舟共徙倚

得家書

迢迢芳鯉逝江流忽見香箋詠玉鉤自愧秦嘉猶上計獨憐
蘇蕙更離愁歸心暮雨長亭路客夢煙蕪故國樓爲報藁砧
相見近不須憔悴憶刀頭

題李晴洲

經

天際歸舟圖次韻

故里經時別天涯獨客歸旅情雲外驛鄉夢竹閒扉遠嶂青
千疊明流碧四圍煙消漁舍遠風定鴈行稀下溪田無恙陽
華願未違琴書堪樂志耕釣足忘機隱士松花飯僊人桺葉
衣披圖增逸興惆悵薄游非

贈松亭上人兼題其畫卷

勞生疲塵鞅幽賞依禪居珍禽諧叢木欣此新霽初積雨潤
苔蘚鮮飈振絲筵上人習禪定名與支公如孤吟偶相示冰
雪同清虛

畫圖寫幽寂素月澄寒潭江梅稍舒萼叢筠亦蕭森長松互
颯沓庶以娛冲襟空色本無別淨染寧異心知君斷帶見聊
復棲煙林

弱齡悟幻華頗學清淨退夙知無生緣起滅偶如寄榮祿信
非真詞章亦爲累斷集雖初因由茲獲本智願從聞思修遠
企妙明地瓶拂如可依相於掃文字

移寓秦淮

一桁珠簾腕地垂隔窻絃管最相宜衣香並過長千里燈火
真同小庾師風定始知蓮漏永雲開正見月華時昇平樂

事南都少明日簪毫上

鳳池

時將

召試

別趙上舍易叔

大經

三年別鶴不勝情又賦分襟百感生花落湖橋同載酒春陰

官閣坐聞箏煙波歸櫂吳淞遠梧竹殘宵楚雨清他日京華
相見處對牀敲枕話蕪城

時易叔
將入都

同陶秀才蘅川湘李晴洲殿東有過袁明府子才枚

隨園

城南城北鳴鳩飛經旬苦雨如塵微僧齋寥蕭掩關卧草痕
被逕苔花肥隨園咫尺不得往預恐積水淹春衣朝來層陰
忽開霽快躡雙屐趨荆扉重樓突兀俯煙莽小檻宛轉沿蘆
碕疎籬幾曲芳槿遶短約三板長松圍小倉山勢更秀絕青
蘿翠石相因依扶筇直上豁遠視蒼茫萬象供指揮滄江如
帶繞天際石頭鍾阜爭崔巍車馬斑斑溢城闕人煙漠漠紛
郊圻與如曠如各有態園林如此人閒稀主人夙是香案吏
雅材百五遙相睎高名台沓動寥廓長句噴薄迴珠璣三年

卧閣理花縣便買邱壑辭塵鞿鳳匝螭敦署祕笈牙籤錦暉
充書幃江湖逸客共譚藝時理研墨調冰徹叢園詩老謂程魚門
昔傳述令我悵望生調饑茲晨攀躋慰夙抱况有勝侶同元
韋篠檐側帽足幽賞藤牀跂脚堪忘機櫻桃躑躅雖稍謝漸
見婪尾增芳菲安得山廊最深處日夕吟眺無乖違獨愁茶
讌尚未已金烏隱隱澄餘輝綠陰回首不忍別春雲杳靄生
寒霏

盧運使雅雨

見會

招同張補山

庚

陳楞山

撰

朱稼翁

和孫

金壽門

農

張漁川

四科

王載揚

藻

沈學子

大成

陳授衣

章

董曲江

元度

及惠定宇江賓谷諸君汎舟

紅橋集江氏林亭觀荷分得外字三十八韻

客居如晴蝸炎天苦塵壒淨地走螭螭荒階纂茅茂桃笙火

欲然躡蹤寡聊賴誰爲河朔飲喜君盛佳會上客延陳遵名
流借郭泰詞人盡應徐書史並韓蔡招邀集邱園放曠蔭杉
檜長廊互逶迤短笏宛鉤帶森然激構椽楸梧翳蒼蒼碧池
漾琉璃紅蕖破醜鵲指點空明中游魴隱芊蕝澹蕩謝簪裾
逍遙散巾襜相於汎重湖松舟齊擊汰粼粼燕尾流青瑤瀉
澄汰珍禽共頡頏寒蜩競鳴噦興酣拓水窻遙指崇岡外紺
墻矗嶙峋層巒嶠嶸延緣方未窮濃雲漸昏靄疾風起刁
騷急雨走砢礚密響滿林芳清波漾渠澮須臾雷車停殘霞
儼圖繪圓月涌銀盤明星照文旆繁暑忽驅除依稀去鉗鈇
杜牧詩熱
去解鉗鈇設席陳羊腔行廚出鱸膾芳菹擣香蔬佳果薦甘
柰羅酒玉雪清分曹列旌幟小部更催歌檀槽振林籟四座
恣沈懽芳游洵云最猶憶上巳初桃華發幽藹被禊快浮栝

妍詞寫幾貝雅集繼前修風徽被秀艾良辰復追陪遭逢亦
已太惜無健筆扛陳詩陋曹鄴他時長安街羸驂走轄軼南
風吹驚沙軟紅厭肺昧回念廣陵鐘何由接飛蓋

題汪范湖讀書秋樹根圖

侍郎舊圃委榛莽潛山圓谷空蒼茫鏡牌樹籬亦寂寞但有
老樹參天長羨君風流紹曩哲叢筠仄徑開書莊浮嵐積翠
互虧蔽秋林葉葉酣新霜君於此時掩關坐有若乾蠹耽芸
緬自維生平頗好古上虞易義書歐陽惜哉風塵百顛顛未
得蠶舍親丹黃今觀此圖信幽絕况有三逕來求羊西曹筆
力如挽強受銘此部太史詩句森閑張錢坤一編修鷗居宅邊共道古
使我望遠神飛揚何當蘋邊繫五瀉結鞋來訪金陀坊

題沈學子松陰伴鶴圖

孤松百尺森寒梢，秋風激響如絃匏。下有老鶴俯且啄，白翎
丹頂真矛戟。幽人散髮當此坐，似欲避世辭喧呶。便倩好手
作圖畫，紙上倏忽雲煙交。三竿二竿竹抽笋，十點五點花含
苞。社公新雨一朝過，鴨頭春漲生林坳。海沙慘澹石子細，瓏
玲翠石紛礲砢。鄉園如此良可憇，忍令歲月從空拋。憶昔驅
車過燕趙，黃塵坳堞風颭颭。飛蟲一晌竟何樂，非獨形瘵兼
心勦。何如細林山下路，枳籬竹澗編團茆。嘉客逍遙協詩什，
幽人貞吉占靈爻。菰蘆況有我輩在，相於載酒門常敲。三泖
漁莊近咫尺，蔚藍萬頃同湖濶。絲篠客箸罷垂釣，琴原藥錄
期傳抄。夜聞寒濤響北垞，朝聽清唳來西郊。柴桑栗里夙所
慕，那惜下士相訾警。警捲圖喜君竟歸去，蕙帳免使山靈嘲。

戴明府遂堂

亭

以詩見贈寄答

遼左稱耆舊如君復幾人士風徵魯衛儒行比荀陳寥落雲霞氣飄零海岱身扁舟欣把袂款款話前塵

鴈塞風沙遠龍荒歲序遷生涯仍北地涕淚憶南天集中有寄閩中

詩 諸妹 雪鬢他鄉改萍蹤客路懸武林煙水窟回首一悽然

才擅風騷體名傳翰墨場君與李鐵君陳石門號遼東三老有集行世 經年空想

望遠道各蒼茫暮雨江濤急濃陰驛路長白沙旅舍近計日

喜升堂

重宿隨園

客路逢炎夏芳園喜再過露涼千頃竹香泚一池荷嘉會開樽數清言入夜多坐來山閣靜螢影下煙蘿

澄碧洞爲子才賦

刷地成幽洞疏林引碧湍松龕雲欲濶竹榻晝常寒小閣三

層接閑窻十笏寬可容消夏侶偃臥展琅玕

程徵君綿莊廷祚以易通見示

衡門曲折掩秋桑大帶深衣氣自昌古本久聞宗費直象占
寧復問京房道原十翼流傳正夢食三爻意義長只惜蒲輪
徵未到何由高議動巖廊

晚泊江口

生平蹤蹟如飄絮春風五問滄江渡雪霽曾看鷓鴣翻潮生
屢犯蛟螭怒今來雨歇磨青銅海山滅沒殘霞紅棹歌未斷
漁歌續時有疎燈出茅屋

寄陶篁村元藻

水漲紅橋瀉綠紋藕花香裏喜逢君新聲共聽歌三疊清詠
先傳月二分篁村有若論揚州二分月紅楚驛微波愁遠道

吳山涼雨惜離羣，江湖別夢何由慰。寫就詩篇好寄聞。

聞文子先生巡視河堤卻寄

長河雨黑翻崩濤，陰雲黯澹騰魚蛟。風雷夜半走平地，數十
百戶如蓬飄。九重側席屢宵旰，我公奉命馳星輶。經營
工築集衆力，相度形勢偕羣寮。荆山橋南遍歷覽，急與黼
座分憂勞。用惟敵黃總，歸海一語竟破千言牢。自來河渠少
上策，虹堤終古排雲霄。長波萬里一綫束，下瞰田舍同堂坳。
伏秋兩汎蟻穴潰，得不性命爭秋毫。雲梯關下益漫散，朝潮
夕汐淤泥高。歸墟赴壑稍填咽，竊恐雪浪橫。厓岷海昌昔欲
通濟水，海昌，柘園，昔有開大清河之議。南北入海分支條。濁流兩路不並駛，
終致壅塞仍誼澆。濬深取直兩利舉，可免婦孺常啾號。小儒
籌時味通變，臨風寄遠陳芻蕘。江湖無由接高議，悵望台斗

臨寒宵

陳徵君楞山歸老武林卻寄

夕社荒涼舊雨稀
抽帆歸隱舊柴扉
葦塘水淺垂漁釣
竹閣雲寒放鶴飛
聳杯湖應不改天
隨下洞未全違
溪南詩老多清興
好並扶筇上翠微

謂丁敬身吳西林諸君

暮過梁溪作

浦外傳漁唱
煙中見鷺羣
江帆臨樹卸
村笛背風聞
暮靄忽成雨
遠山斜入雲
篷窻頻剪燭
小酌愛微醺

彭少司馬芝庭先生園亭

綠野裴公第
青山謝傅居
園林齊下杜
田舍似西沮
黃葉琴齋晚
青蘿藥院虛
數椽湖石畔
竹影上瓊疏

棊局依雕檻
書牀近綺寮
微吟涼雨度
晏坐篆香銷
叢桂娟

娟落芳蓮冉冉凋溪堂
莛酌罷岸幘更逍遙
煙水村邊路雲巒郭外山
松樓宜晚眺竹屋到秋閒
斜日楮陰繞微霜
薜色斑何由陪勝賞來往共漁蠻

過石門

秋水車溪路涼風薄暮天
殘燈臨驛市寒篴隔橋船
柔柘蕭蕭葉菰蒲漠漠煙
披衣清露下吟望意翛然

酒旗和沈學子作

東風山店熟茅柴取醉曾看繫
客懷重碧香生知早挂小槽
珠滴見初排楊花暮雨春江市
竹影斜陽驛路牌掩映當墟
人在否何辭側帽過銅街

湖樓旅夜用蘇文忠臘日遊孤山韻

秋葉落飄重湖湖濬游艇漸已無
夕陽欲沒魚尾赤唯聽漁

父相招呼雅欲梅鶴爲妻孥況對山水諧清娛小樓三面瞰
清鏡下見沙碕相縈紆隱囊麈尾如僧廬晏坐不復愁羈孤
夜深月出風浪涌寒露清滴鳴菰蒲明當夙戒趣輿夫攀躋
林莽窮昏晡紅衫青笠恣歇往好索畫史成新圖燭花吐燄
三更餘馳想絕景心遽遽惜哉良侶乏酒通空藉詩筆供規
摹

將遊淨慈再用前韻柬大恒上人

明中

十載夢懷西湖舊時遊蹟今有無詩場酒座零落盡但聽鴉
鶴時嗚呼殘秋暇日辭妻孥擬訪勝侶行嬉娛頗聞大士入
詞海一見頓豁中煩紆永明眷渺真精廬粥魚茶板同給孤
三乘演法指柏子六時設饌陳伊蒲喬松離立古大夫山花
開落忘朝晡相期筇屐更造訪白蓮重寫廬山圖涅槃大義

原無餘圖覺何必形神遽誓脫塵網如亡逋息心寶藏窮形
摹

曉坐湖樓

清曉水煙昏雲中露山頂層樓適游眺愛此澄湖永微霜凋
杉楓寒波悴蘋苻沙嶼遠空濛遙遙辨漁艇

謁四賢祠

蘭薄生暮寒夕景在叢竹散步出荒蹊希風遡芳躅羣喆去
已遙清標映巖谷入門榭葉黃被砌苔痕綠空聞流寒泉無
復薦秋菊緬彼澄湖陰珠宮麗遐矚小築獨疎蕪誰爲激時
俗慨息下亭臯蒼煙滿平麓

淨慈寺

紅葉滿長堤林疎見蘭若僧語石廊前鳥散香臺下夙昔慕

幽篁況迺逢蓮社竹籟遠淒清松風靜瀟灑絕景悵難留微
尚何由寫

湖樓夜起觀月

夢回忽覺明重檐起視殘月橫東南月光射湖湖影動寒淥
倒映湘紋簾沙戶人歸漁火歇一鏡澈碧無塵纖蒹葭風微
沙鴈宿蒲葦霜重游魚潛羣山凹凸已不辨何從指點知精
藍唯看高峯最奇絕雲外矗立青瑤簪依稀身在銀世界差
欲舉手攀涼蟾生平愛月入三昧況有絕景湖山兼軒櫺面
面瞰煙水藥鑪經卷如香龕惜無溪朋共好事喚起小榜臨
澄潭扣舷自和小海唱長庚星動秋雲曇勝地已知世無兩
對影幸有人成三徘徊唵賞天欲曙曉鷗颯沓唳杉楠

湖中晚歸簡齊侍郎次風

召南

杭編修大宗

世駿

杳杳昏鐘隔浦清夕陽欲下斷霞明鳥歸疎柳禪燈上人散
迴塘釣艇橫雲樹蕭疎藏野寺煙波迢遞繞江城習池不共
山公賞獨對寒流待月生

萬峯山房示讓山上人 篆玉

黃葉翳秋苔野逕無行迹蕭蕭竹樹中扶筇訪禪伯名藍掩
荆扉梵鐘晝方寂遠嶺出檐端澄湖隱林隙壁閒畫滄洲煙
莽紛如積旣忻初地閑復愛名言適坐久衣袂寒松風灑泉
石惜無臥具攜逍遙此終夕

月夜

夢覺聞跳魚東巖月初上清露滿蘅皋華雲散林嶂屢聞梵
鐘寒稍見鑪煙颺清宵乏同歡煙波渺悽快

聞吳山夫之越中卻寄

已倦游燕志還成適越吟扁舟三楚客惜別兩年心微霰兼
霜下孤猿隔浦深山陽聞笛意日暮更沾衿

題東有樊川詩意圖

珠簾十里夜迢迢曾記尋春屐
橋小杜重來芳緒減嬾依
明月聽吹簫

踈柳青旗罨畫樓玉驄芳草付前遊
淮南花落春風盡吟對
香臺木葉秋

白門霜落夜唳烏桃葉空堤長綠蕪
江北江南俱寂寞小窻
和雨寫新圖

香雪初開竹外枝鄉心搖落鴈聲遲
茶煙禪榻殘燈裏忍話
樊川被酒時

集璜川書屋觀伏波銅鼓

鼓爲企晉祖銓自廣西利養州時所得
同企

晉吉人策時祖錫聯句一百二十韻

陽曦射高堂南德寶氣肆騰躍古色伴尊彝吉人流芒動簾幙熊

熊詫雲歎時策煜煜怪雷爚巖昏饕餮蹲晉人月黑蜿蜒足蒼疑

木髮德黝類火蒸蕉簪同形模吉人米黍協尺度彭亨豕

腹寬策俯強豹股博綠碎瓜皮皴晉人黃披楮葉散回文結雕

尻德斷蹟豁齷齪字缺史頡銘吉人奸遁飛廉魄蚪蚪周四腔

策時蝦蟆歎三脚列象天山均晉人分位雷風薄腰如已獻圓南德

面比辰鑑廊低陋繫馬鋤吉人窄晒棲鳳鐸完質無瓜離策時韜

光仍渾噩審器知金鎔晉人辨音異皮鞞揜袖發鏗鉤德時援枹

恣磅礪小鳴星精搖吉人大響雨點落擗廳蕩穹巖策時急瀑壯

巨壑轟天走之而晉人殷地駭不若雲垂林熊噪德時石裂谷虎

愕同鏡鐻鐘鏞吉人殊笙笛管籥歌風想其鏜策時肄雅徵或罟

稽典心縈紆

晉人辨物手捫摸

刻沙顯晶瑩

傳東都時

吉人采拾南夸略瘴海波滔淫

時蠻陬山嶄岩貪吏

失撫綏

晉人曠俗善劫掠伏莽踰往

投林過猿猱荒菁蒙

幽遐

吉人強弩逞矯躩猺獠蓄狐羣

時鬢鬢熾妖雪赤伏方中

興

晉人爰精又增灼璽書集貌貅

德羽檄翦鯨鱷健婦空跳梁

吉

人老翁尚嬰鏢下瀨陳雄師

時伏波拜新爵誓眾發樓船

連屯趨浪泊毒霧看墮鳶

德盤馮訝浮蚴險披荆榛叢

吉人勇

淬霜雪鏢營開闢戟明

時陣動瑠戈拓塵飛揚旗麾

晉血模

鋤刀斫孽種揃維將

德孱夫竄詩索發弓震天綱

吉人立柱表

地絡雕題來粵人

時崩角受漢約舁曳呈轅門

晉焜煌照鈴

閣蟠猊紫繡蒙

德翔驚流蘇紉賓從爭摩挲

吉人徒御互趨踰

上將思驂

時良工付燬燦駿尾宛蕭捐

晉驕蹄像滄燦金

門獻種種德甫玉墀羅各各功應冠冠岑吉人威已殫越駱胡然

謠詠興德甫幾致湯沐削訟寃誰慨慷晉人藥葬終寂寞奇勛貽

至今德甫賸物撫猶昨體非鳧氏攻古制想獠奴作音老誇多

藏策時俚人笑羣搏蘆笙迭參差晉人柳酒共斟酌雉翎豎了义

德甫羸殼挂瓔珞六幅拖花裙吉人一緬騰草屨蹋臂凌長溪策時

招手度危竿破屋蔽榕陰晉人短牆絡藤格綿李實荔藜德甫匾

桃花奶媪賽社巫叮嚀吉人留歡客酬酢箸裏堆生鹽策時瓦盆

貯乾酪羅列兼禽猩晉人熏炙到鼠貳維飲態宜製德甫譟言笑

嗷嗷脫釵扣淵淵吉人蹋歌行蹻蹻傾耳聆敲鏗策時攘腕任揮

綽節促交錚鏦晉人聲圓屏砌研聽隱隱麟麟德甫視索索嬰嬰

僻陋良足嗤吉人駢闕亦云樂譚論考始終策時收藏見矩矱表

座映尊壘晉人宿懸繼鬻罇置傍青玉案德甫襲用紫厨橐舊玩

供掀掀人吉新詩遞咀嚼拂拭耽近好時策蒼茫與遠託今

皇恢八紘晉企覃化遍六漠入侍紛梯航前德獻寶聚河雒陰羽

陳騏驎人吉火珠上鳩鵲邊墩銷朝烽時策嚴城斷宵櫳方看重

譯朝晉企詎意小醜惡梟踞前王庭前德蟻聚左賢幕酣談蝮蛇

張人吉刺刺蠶蠶蠶 聖武赫斯怒時策 帝命求其瘼側

席思范韓晉企築壇遣衛霍攻同吉日前德捷伐凶門鑿神符

甲乙占人吉士鮮癸庚諾虎帳夜椎牛時策龍沙晨表貉殺氣纏

蚩尤晉企邪氛掃格澤三千驅水犀前德百萬潰風鶴喪膽諸部

降人吉係頸元兇縛惴惴就斧砮時策欣欣免鼎鑊饒曲傳敷章

晉戎衣欣一著洗兵魚海陰前德振旅狼居嗚罷六道輓輸人吉

安四郊耕穫酬庸珪瓚璋時策薦廟躡曉曠敷文舞羽干晉企視

學奏簫勺靈囂四奠懸前德華鯨九乳操瘖彼百里驚照茲萬

物郭冠帶罔弗同
畫環詎煩却我儕
樂淳熙人
是器足揚摧

翠葆靡銅嵬策時
雲花絕塵埃
神夔吼不聞金隱
哈彩尚敷年

深建武存德甫
代古真元乍紐斷
非淵淪痕斑
想泥醵驪國遜

輪困祖錫
象州謝礫硤破
破壓寶輪吉人
礪硤撼綺構授受閱弓

裘策時
顯晦等龍螭
瓊包武溪濱祖錫
網罩璜川輪高軒尋龍靈

健筆起衰弱擊鉢喧雷鳴金續
貂愧螢爝余後至
狂揮颯颯

鷓鴣把鷓鴣杓子石磨白蕉祖錫
哥窰插紅萼擁鑪芋火煨吉人

汲井茶槍淪禿巾頭鬢策時
解帶步踉蹌
裙裾窮冥搜摹畫

資眾謔孽賤侍史勞祖錫
秉燭奚童御壁空
風颯德甫
簷凍冰

洛澤潛鱗蝥蛟蚪吉人
厲翻振雕鸞角殘烏啞策時
漏盡鷄膈

膊矯首視長庚金晉
熒熒燭虛霏德甫

冬夜再集金晉小查山閣同吉人策時來殷聯句限

月字

雅尚聯心朋

吉人

輕燒煙際發蘭芷遵透池

德甫

蓮峰望窗翠古

洞呀然闕

策時

危崖倏而突宿莽走驚鷹

來般

枯林颺俊鶻凝霜

杉屋寒

金晉

澗瀟苔岑滑一徑沿礁磽

吉人

雙扉豁林樾眷茲澹

宕人

德甫

渺爾煙霞窟棲元敦古歡

策時

養拙謝天伐拓地展百

弓

來般

結廬容十笏綠淨激溪毛

金晉

蒼寒綴石髮長林鶴柴遮

吉細水魚梁汨款冬花已闌

德甫

破臘香漸醇依人憐凍禽

迎客狎吠獸蹊幽窺櫺櫛

來般

閣迴俯肆砥巡簷遠眺舒

席豪情勃雲雷陳漢尊

吉人

趨趨辨周碣香焚鵲尾溫

蝦鬚揭鏡紅綻燭華

策時

紫碧盛肴核野供屏羶腥

筍蕨射覆角兩曹

金晉

銜杯甘百罰衝愁出奇兵

吉人

卻敵誇勁

卒半醺臉微潮

德甫

痛飲頭盡沒狂思中聖賢

策時

渴欲吞溟渤

底須舞傚傚來漸覺醉兀兀茗煙淪旗槍企芋火煨楮櫨雄

談侈矜奇吉清景坐超忽銀箭咽虬更德冰壺湛蟻月霧沒

山模餽策風搖樹槎杌澹澹雲裂膚來稜稜水生骨炙硯吟

方酣企攬環興未竭奇思鬱輪困硬語辦倉猝開軒快披襟

吉接座欣結襪交應慕荀陳情詎分吳越伊余困塵囂德多

君避朝謁屏蹟依邱樊帶經事耕垆採芝商皓歌策樹蕙楚

騷曰花鳥供友于史書羨詒厥欣此褻展同來勿使敦槃歇

逸翮偕鷺鷗遊蹤比蛩螿盟心保歲寒企堅貞庶無闕吉

無隱菴消寒聯句次皮陸北禪院避暑韻

把袂衝嚴巖吉聞尋開士宅聽鐘駐籃輿企拾磴捨藤策龍

攬輪困德虎踞倔強石崖裂皴霜痕策巖封漬雨蹟徑靜

稀樵兄肅澗枯斷漁伯邱中誰鳴琴吉方外或卓錫佛座倚

雲根企齋廚引泉脈炷香禮蓮龕德懸燈照葦席清言容踞

牀策高臥時陽壁結跏宗雷儔微豎拂支許敵安禪訶小乘

吉妙諦證大易偈從黃檗參企旨向青原摘咯然身世忘德

悠哉襟韻適觀空度六時策斷愛戒三昔夜悄月盈規微氣

凝雲過尺撲朔匿氄毛吉畢逋翻凍翼危柯綴斑紅企荒坂

鋪禿白冰苔滑侵衣德風竹低壓幘逍遙企鴻情策局促陋

螺識幸窺薜萄林微快聚菰蘆客梵策任冥搜吉經幢恣元

索寶笈超津迷企珠林羅海蹟言依竺國緣德誰羨桐君籍

白水貯一瓢策穿霞藉雙屐夙願償未能微勝地棄堪惜溷

蹟尚塵鬢吉息心終野寂澹味宜敲茶企幽芳愛翦柏回瞻

薄靄蒼德悵望層嵐碧何當證淨因策庶可療奇癖晴雪遍

南枝微討春復來覓吉人

寒夜集蘋花水閣觀玉壺冰琴

朔風振枯林初月澹幽幌舊侶復此偕開軒得蕭爽芳酌欣
同持素琴展孤賞頗愜世外心彌廬邱中想惆悵夜燈寒無
人發清響坐久聞煙鴻微霜下宿莽

香櫞聯句

入座聞幽芬枸櫞供山癖甫德徵形得團團賦色呈斲薤來光
疑崖蜜塗氣類沈檀灑甫德體搓玉帕圓紋錯金毬畫來手拈
畱醃醴鼻觸敵躑躅甫德靜愛桑皮堅寒防螭帶壞來綴葉餘
葳蕤含瓢貯沆瀣甫德橙柑羞異容橘柚許同派來鉅如龍卵
懸嫩若鶯衣絳甫德差齊瓠瓢枵不數楓瘦怪來香清沁肺腑
液冷軟鱗齟甫德顛顛堆砌層纍纍簇簇經來寧憂蝸痕涎已
免烏喙喂珍從園客藏得自撩奴賣甫德小閣三椽低閒房十

笏隘垂垂折枝斜短短橫幅挂來敦摹雲雷文鼎列水火卦

殘碣剔枯活法書搜倒德焦琴橫倚桐古硯啄磳硜三層

綈几陳六扇鏤屏界來碧磁中微凹紅架上旁殺淨洗安鹽

盆揩摩藉麻柿德磊砢傍軸籤霏微縈裾裙夕熏和氤氳朝

旭射灼炫來仙芝海國移嘉種爰方屈瘴鄉霧陰露蠻嶺山

阨辟錫包祕篋篋箸裹入艤德植株攜鏹鉏分本用杈杷

擴清去神樞持護刪薈瓊澆泉注連筒壅土加一簣來栽培

老嫗諳撫視鄰翁誠裨檉梢鶴巢楹榭蔽鹿柴森森撐檐牙

落落拂冠髻似榼栗榎欂殊檠枅德攀柯悅荻蕮憩陰

辭翦拜熏除穴根蚺剔去嘔葉綠回欄周瓏玲疊石蠶礮砢

風和開花附雨凍挂木介來落實斗建坤含苞月在夬湛綠

逢夏羸焜黃值秋噫頡頏翔鷓鴣睨皖集鷓鴣德璀璨皓露

凝杲杲朱曦曬熟看一樹垂收遇千林敗勻裝質長完醉攪
心亦快來落剪倩小奚擎拳須走价德甫馥郁醒宿醒辛酸愈
虛咳來分友提筠籃奉僧伴梵唄德甫温磨懸帳杠的歷絡衣
被來雅翫忘寂寥清娛慰罷憊德甫幽可伴茶鐺賞宜開酒釀
般品題爭厥飲投贈破价慘辨名郭璞疎寫狀稽舍贖德甫虛
窻積雪明曲砌層冰解體物揮纖毫聊當翦燈話來

出關

石牯緣江壯虹梁逼漢懸風霆迴靜夜冰雪瀉長川牽輓千
尋接喧呼萬口傳浩歌驚出險回首意茫然

定慧寺示鐵機上人

清絕松寥境重游近暮冬江空斜見鴈湖落遠聞鐘霽景山
廊竹寒雲石欄松更逢蓮社侶款款話南宗

送劉侍講映榆星偉歸毘陵

晴雪依叢薄扁舟下楚波江寒漁唱少天遠鴈聲多候火明
瓜步林煙近曲阿梅花官閣好芳會莫蹉跎

同沈學子對雪有懷惠定宇

浙浙承檐飄冉冉緣堦上曙寒人語稀煙蘿散微響虛館偕
良知憑襟遂元賞稍忻清言舒彌使離枕長故人不在茲江
湖屢延想頗問漳濱臥尚乏剡谿訪彷彿窮巷深閉扉掩榛
莽蕭晨諷道書樵蘇罕還往延佇澄輝遙無由慰悽惻征鴻
下層雲疎梅澹幽幌庶幾溯微波緘情託吳榜

學子將歸雲間雪中飲有作

殘雪滿虛檐蕭齋晚逾靜幸接故人杯共此疎鐘永遠別眷
良宵羈枕屬暮景頗聞楚江濱煙中理歸艇欲折早梅枝依

依寄淒冷

古風贈學子卽送其歸里

戴匡綴霄瀨鴻網函人文元符賈河雒圖範開愚菴水精繼
受命烏烏翔端門經成夜告斗虹玉流彤雯至人筓六藝竄
窈參明神手陳遼古蘊意抉蒼靈根一罹溫谷切萬禩幾冥
昏頽壁響繁會被冢光氛氤羣儒遂鉤擿如日重溫墩園橋
仄填咽奪席爭騰鶩傳疏數百萬各各懸乾坤司農稍後出
旁魄羅前論箋詩撰鄭譜贊易明爻辰書從杜林受禮自淹
中存風角驗祕術乾象窺長垣下逮識緯候內學綜紛繁三
才究鈐鍵萬象通惛忒想當禮堂上肅穆垂纓紳闕言詔弟
子大義貽諸孫子幹暨子慎疇敢齊隣喟慨彼辰已夢泰岱
悲崩奔永罔尺二簡南北傳芳芬子雍本踳駁氣燄依天婚

盱眙作聖證索垢空呻喧孫爻馬昭尚角立鞞勒張單軍何

為張融案典忍乖前聞綿延歷唐宋撼撞爭搖唇斯文恍墜

地霧霧埋晴暄篁墩最舛逆衡決資狂狷膠均黜栗主髦俊

咸煩寃愚生三季後咄咄心如焚每思昌北學疲茶無由振

論交得耆舊惠施定字微君真超羣同時呂青陽布衣顧震滄司業戴東原上舍

並起芟荒榛亦有錢曉微編修與褚播升舍人賈勇追羲軒吾兄更雄

絕鳳階編修檢覈該皇墳眾賢盛哉盍旋幹迴千鈞况逢東陽沈

隻手扶奔輪夙知富攜撫四庫窮崖垠摛詞操鐘鐻演雅雕

瓊珣肥羅訖後代瓌細供斷斷晚造益冲邃古義專攀援集

解準兩漢辨字衷先秦師承溯高密一掃羣言焚感生著斗

極世妃詳姜嫄作廟審五室大禘推三年類此悉墨守討蹟

鉤其元發蒙起痼疾顯道寧長湮會見書帶草尋歷當階翻

益思及小同世業光璘彬伊余苦檮昧奔走衝埃塵舊學雖
蕪廢嗜古情彌敦百川導渤海靈祀宗河源幸此旅館暇應
和諧筮墳奉手接研講上下忘昏昕窮冬忽賦別感激淒熒
魂惇飈捲庭樹冰雪堆江濱援豪寫宿抱相勉期毋諉

觀劇六絕

瓊筵花露汎紅螺六曲鎧繁照綺羅晴雪一檐香霧裏雲鬢
十隊舞蠻鞞

秦淮舊夢已如塵扇底桃花倍愴神彷彿鸚籠初見日香鈿
珠被不勝春

桃花扇

秋風一夕別雲屏款語匆匆掩淚聽回首河東蕭寺遠碧雲
紅葉滿長亭

西廂

長生殿裏可憐宵曾炷沈檀禮鵲橋一樹梨花人不見青驪

蜀棧雨蕭蕭

長生殿

花影層層下玉除歸來燈火旅窗虛夜深微醉誰相憶刻襪

香堦女較書

紅梨記

聽遍新聲出絳紗故鄉歸夢落雲沙應知今夜筠欄月獨對
江梅數點花

送戴遂堂由儀徵之常熟

落燈風裏雪初晴官閣分襟倍愴情久識詩才兼鮑照近聞
仙訣受茅盈春回胥浦寒猶在人到琴湖草又生他日燕臺
更南望吳天無際暮雲橫

將北行畱別親友

久承 恩命自長楊一幅雲帆別故鄉柳陌風和春正麗萱
帷花發景初長釣遊且作歸時約翰墨尤思舊日場

謂松桂讀書堂

雙桐書屋少
日從師處
一山橫橋三畝竹
丁寧鄰里護漁莊

硯山丙舍

龜巖山北一支為硯山山下為獲村稍西
獅峯先會祖墓在焉屋十餘椽中有焚香

齋樓雲閣久廢惟硯山
丙舍尚存時修葺之

羣峯蒼翠接山村
蹴踏獅王氣象尊
五夜香燈僧已散
四時煙靄閣無存
遙聞碧澗潛通沼
近種青松半出垣
他日焚黃重上塚
瀧岡阡表記高原

泊山塘

細雨度芳辰
鶯花分外新
依依水楊柳
相送版輿春
絃管尋詩路
衣香拾翠塵
所嗟鄉漸遠
回望意難申

閨秀徐若冰

映玉

以題蘭泉書屋詩見示和韻

吳苑詩名擅玉臺
忽傳芳藻灑瓊瑰
夢花深愧江郎筆
詠雪頻勞謝女才
背燭夜吟珠露冷
澡香曉展繡簾開
弓衣織與

屏風畫未比瑤箋寫麝煤

企晉招同崑南斗初餞別二首

窈窕名園記屢經今晨裴旆喜重停遂初欲繼先賢躅樂志
同符處士星檻外濃花開魏紫樽前雅曲愛秦青此行持贈
憑良友珍重名言促膝聽

解褐三秋等散樗

綸音重奉直中書階翻紅藥同聯佩

謂來

殷巷夾青楊好駐車

鳳階書來擬於京城貨屋數椽庭有青楊兩樹

西崦溪山懷勝

賞東華風月感離居往來頻望相思字莫向滄江負鯉魚

小停雲山館岡齡招同迂谷及錢秀才思贊裴留飲

東君昨已別花叢

時三月二十一日立夏

不分將離照酒紅今日停雲

惟子繼他時話雨與誰同草生書帶才偏麗瑟鼓湘靈句最

工欲共三賢還痛飲長年又報一帆風

題金壽門梅花畫冊二首

破墨圖成每自矜數枝高格倚峻嶒清寒不許春禽到滿徑
青霜滿砌冰

刻意幽寒水月涼一塵不許近詩囊水仙雅靚梅花澹別具
清心領妙香

重過梁溪東顧祭酒震滄先生

棟高

官梅名亭送別又經年舊疾春來尚未痊紫詔崇儒聞晉

秩青衿仰德待陶甄縣中牛酒應頻致門下麟經定並傳祭

著有春秋大事表門人華師道王淳及其弟滋峯恣傳之只惜雲帆風正快未能枕膝小

流連

蘭陵道中

櫻桃風急水盈盈雨後溪山分外清竹屋茅菴隨路轉楊花

如雪酒旗橫

泊京口

兩點金焦在眼前
一回憑眺一流連
鐘魚水寺傳山寺
燈火吳船雜楚船
遠樹微明瓜步月
殘霞猶映竹西煙
細斟北府兵廚酒
小倚篷窗已似仙

瓜洲

潮落沙洲似鏡平
空江雨歇夕陽明
船窗短夢誰驚覺
水月禪房粥鼓聲

雲帆獵獵趁南風
回首松寥指顧中
記得去年風浪裏
危崖獨上俯蛟宮

楚尾吳頭薄暮天
滄江西望盡雲煙
一行燈火瓜洲市
已有人家弄管絃

雅雨運使招壽門曲江東有小集

小別矜新侶
重來訪舊盟
風騷畱勝地
湖海半耆英
斫雪江
鱗鱗凝香潞
酒清諸人豪
氣在譚塵不時橫

答朱吉人見贈之作並送其歸桐鄉

三載香溪別
夢賒相逢客
路感瑤華吟
秋獨泛鴛湖
權去秋至桐

鄉奉訪不值對酒同看楚地花
江驛青燕聞戍鼓
湖田碧樹隱漁

家卻憐分手仍南北
不惜官橋折柳斜

追和催收詩為學子作

花前催上六萌車
蟬鬢收成鬧掃餘
回憶竹西亭下路
珠簾捲盡有誰如

吳閩楊柳可憐生
叩叩香囊早定情
最好白蘋風信穩
抽帆

同到五茸城

衆曲迴廊小院深
明河絡角影沈沈
應知金井烏啼夜
酒冷燈銷伴苦吟

書囊琴薦一塵無
繡閣寒生炷玉鳧
看取橫雲山色好
彎環重畫十眉圖

韓懷招同學子東有梅里漁川易松滋諧再餞有作

清江滑笏碧於油
又向紅橋盡日遊
花鳥春濃歸小志去歲予撰

紅橋小志有二十四景管絃風細送長謳
酒痕墨濟添詩興
燭燼香銷

起別愁記取 禁林清漏夜夢魂猶遠
綠楊舟

高郵途次

澹雲殘雨月籠明
初過邗江第一程
荷蓋忽傾知露重
柁牙微響識潮生
羅衾頻展香猶膩
畫燭將昏夢未成
翠羽欲啼風漸轉
榜人已試半帆輕

舟過寶應懷朱秀才直方

宗大

昨別紅橋路煙帆檣渚磯湖田春後熟楚客雨中稀舊侶遲
衿契新愁減帶圍何山親玉舉極目柳依依

露筋祠

曲渚依疎柳叢祠掩碧苔芳蘋吳客薦瑤瑟楚巫哀水鳥脩
脩下風蓮漠漠開靈旗吹暮雨彷彿翠輶迴

訪程秀才魚門

晉芳

淮上兼寄華師道

零雨悽長別相逢更渺歡有懷悲詠絮時初喪女無夢兆徵蘭芳
杜淮流碧叢篁楚寺寒祇應華右史傳舍共盤桓

晚泊淮關

雨霽黃梅節沿堤撲柳綿潮生漁網動風急酒旗偏鐘版溪
邊寺魚鹽郭外船竹西行漸遠回首更淒然

微山湖

石梁瀉清溜急響生寒風孤舟就前路雲水延空濛層陰淡
初日歷歷開諸峯蒼翠宛相次瀟照依晴空露蕪悉葱蒨石
嶼森玲瓏村煙楊柳岸漁唱菰蒲叢鳧鴨曉凌亂風景安能
窮思借沿緣者欵乃移青篷

夙昔愛具區雲濤信奇詭單椒秀漁洋亭亭明鏡裏梅篠罨
澄潭禽魚散幽汜十載別溪山清夢滿煙水今來望空冥青
螺紛可喜生平五湖約芳景屢延企矧乃行路餘何由稅塵
軌轉幸南風遲扁舟覽徙倚

太白酒樓

新漲綠粼粼高樓俯畫津長甬狂道士坐對謫仙人詩酒襟
懷曠風流意氣親南池餘杜老千古結芳鄰

舟次贈沈廉使椒園 廷芳

月旦知名久江湖奉教遲書宗虞監帖吟仿白公詩捧手欣
今日談心恐後時閒官常有暇常擬侍臯比

南旺

層層石砌鎖迴塘運道由來異漢唐汶水西流兼汴濟衛河
北折受清漳三分直精神靈助千古羣霑利澤長不是名人
垂至計雲帆何自達通倉

口號二絕

米鹽畧營生計井口稍具家貲堂北已移護草陔南好采蘭
枝

放懷自知未得經世不識如何且喚青驄一輛凌晨小試鳴
珂

直廬曉起

官燭熒熒夜向闌
玉階清露濕紅欄
風高鈴柝傳中禁
月

暗觚棱隱上蘭珠
樹影深華闕外銀
河秋淨碧雲端
紗籠

夾道重門啟早有
千官候八鸞是日卯時上還宮

禁中即事

磻道疎泉接御溝
禁林清暇奉宸游
涼生銅埒頻

觀射風靜金微數
獻囚碧樹遠含煙
嶂雨青蟬近報玉
階秋

晚來中使聞宣旨
檢點封章待曉籌
時將御門

題李西華先生友棠賞番圖

獐麕獵獵吹旄旗
樓船萬里懸牙符
撻金伐鼓鳴霜筍
諸羅別角來馳驅
蒼松攬網挈重檻
濃陰偃蓋森櫻櫚
轅門霽色騰金鳥
海雲下照紅氍毹
麋羴虎鬣班胥徒
秃衿短裘排僮

奴甲螺鳴瞬張虬鬚袴刀鞠脛聲嘒嘒州僚將佐意氣麤指
揮萬象同獲狙側踵連襪相攙扶或轟椎髻髻顛顛或斃花
練纏膊爛或琢蚌貝緣裳褸或界項領編纈珠戲童耆老偕
妻孥手奉布帛羣嬉娛公時晏坐形神腴聲如雷動開春愚
國家上治儕黃虞愷澤下逮周蠅蝸眷汝鹿耳東南隅

命持英蕩來吹欵春菑汝菑畚汝畚賔賎織作漚絲纊服汝
祖業供庸租融風喬露恒膏濡汝母覲武資吞屠 朝有憲
典銛戈及裸襪聞語駭且愉蘆沙花鼓盈荒嶠永守令甲誰
窺覲惟安平鎮丁遐區荷蘭日本交盤紆黏天黑浪鯨人趨
乖龍晝立神魚徂雲濤惚悅連方壺獷賊牙踞名東都桓桓
靖海鸞雕弧水犀萬隊從貔驅捶驅虎井擁澎湖如風卷瓊
嬰王鉢桶盤赤嵌咸昭蘇今公重望巒方乎口揚威德綏睢

盱南暨蘇祿東荷叟疇不職貢陳珣玕況逢 明聖操璇

樞攬槍掃定清伊吾流沙西極天柱孤屯田計畝如堂塗奇

肱緩耳驚神謨開道重驛爭權呼屠州黑豹禹駒駝方揚皇

鳥邱鸞雛碧基陰羽揚爻閭畫史豈抄閩與吳好寫瑰異窮

錙銖配此並上明堂圖丹青王會永弗渝百祀後與東蠻俱

柳宗元集既克東夷羣臣請圖狀如周書王會

徐文長花草冊

淺絳深黃滿露叢品題第四語非公文長自稱書第一文如

何不使鈴山見獨賞青詞白鹿工文長在總督胡宗憲幕時嘉靖方好仙分宜以青詞

受知而宗憲又諳事分宜適得白鹿命文長作表文以進先示分宜分宜頗為擊賞遂得嘉獎晉宗憲秩由是遇文長益

重

唐六如竹谿仙館圖

秋山澹澹隔晴涯野屋層園一徑斜獨有胎禽相對立分明

仙境勝桃花

仙館清閒近竹谿篔簹蒼翠碧雲西儒冠道服何須辨淨業

新來問準提

六如居桃花塢傍有準提菴後人與文待詔祝京兆像並設其中準提有淨業經見大藏

哭文子先生

一夕霜風掃碧梧招魂何處降神巫雲屯箕尾星躔暗山坵

龍門底柱孤黃髮功名虛上壽青年懷抱鬱良圖夜臺有恨

知難盡未逐嫖姚斬骨都

阿睨爾撒納叛先生每不得從軍追討為恨

崆峒戴斗氣嶙峋十載鳴鸞侍紫宸陸贄清材參內相戴

蓬重望表成均貂冠共切三台望鵲印頻頒九澤春

先生由侍講陸

系酒歷戶工

兩部侍郎造士頻年持玉節嵩邱粵海擁征輪

汴泗清流漲碧空口銜

天詔出淮東菱薪夜偃桃花汛槿

石秋成瓠子功玉粒千帆停鷁首金堤萬仞壓龍宮 至

尊南顧頻欣慰早免蒼生泣斷鴻

朽質幾同爨下殘枉蒙拂拭此琅玕深知梁肅提攜切終愧

虞翻骨相寒雨歇西園思授簡春深東閣慶彈冠予在揚州先生寄書

云花深東閣可生平乞墅無窮恨忍過朱門躍錦鞍

喜來殷同年至京

薊門雲樹度高秋聞汝南來豁別愁搦管舊傳鸚鵡賦鳴鏢

新侍鳳凰樓元堂珪瓊光龍勺十月初一日時太廟別苑笳簫擁

翠旂時大閱 命盛典即今須紀錄好將雅頌播方州

送文子先生葬四首

笳鼓臨泉路旌旄出國門提攜餘弱息涕淚溢諸昆馬鬣秋

原壯鷄碑曉霧昏扶風帳下士誰與共招魂

夙抱匡時略長殷濟物情勲階羞許史事業陋韋平湖海收

奇士曹來般趙升之張策時嚴東關山恤戍兵金川之役部

預給口糧公力止之銜恩何地報灑淚遍寰瀛

磊落風雲氣崢嶸海嶽才兼葭秦客咏蘭杜楚臣哀卓犖空

前輩流傳待後來桓譚誰竟是詩卷忍重開

遺疏傳 丹禁 恩綸下紫庭禮咨宗伯議功俟太常銘石

馬幽宮閉銀蠶墓道扁千秋誰定謚翹首望層冥時墳本初

應得卹典該部察議具奏部議上給子半葬以例未得贈官子謚也

書伯祖澱溪公會圖自撰年譜

半生席帽老山林略記年華感唱深要使諸孫佔畢夜一鐙

知古又知今起崇禎六年止康熙四十四年中間遇時事大者皆記其略